



Synfocity = 795

mail us at : mzsynfo@gmail.com; mizoramsynod@gmail.com - Phone - 2314648

December 10, 2020

☐ **Synod Inkhawmpui**

Synod Inkhawmpui vawi 97-na chu Dec. 8 - 11, 2020 chhung hian Dawrpui Bialin thlengin, Dawrpui Kohhran Biak Inah neih a ni. Dec. 8 (Thawhlehi)-ah Nomination an thū a. Dec. 9 & 10 chhung hian Rorel a ni. Nimin khan rorel tan a ni a, rorel tan hmain Moderator kal chhuak Rev. R. Lalchagliana'n Moderator thar Rev. Dr. C. Lalhlira hnenah Moderator kawrfual pein mawhpurhna a hlân a, rorel tan a ni. Committee ațanga thu lutte an ngaihtuah bakah, general agenda pali an ngaihtuah hman a; waviinah rorel hi chhunzawm a ni. Kum 2021 Synod Inkhawmpui puipa turte an ruat a: Secretary (senior) atan Upa Lalrinmuana, Secretary (Junior) atan Rev. Z.D Lalhmachhuana (Ramhlun), Finance officer atan Rev. B. Sangthanga (Executive Secretary) leh Rev. Lalramliana Pachuau, Statistician atan Upa Lalthianghlina, Bethlehem Venglai, Executive Secretary atan Rev. Lianhmingthanga Sailo leh Rev. K. Lalrinmawia te an ruat a. Kum 2021-a Synod Moderator atan Rev. Dr. Vanlalnghaka Ralte, ATC thlan a ni.

Naktuk (Zirtawpni) chawhmaah Pastor nemngheh, Pro. Pastor dahngheh inkhawm leh Department Head 2 leh Minister Pension tur te thlah an ni ang a, chawhnuah Minister thi sunna leh Moderator Valedictory Sermon ngaihthlak a ni ang.

Zirtawpni programme hi Hruaina Eng TV Channel leh Youtube-ah leh LPS 1 leh Zonet Zawlbuk-ah Live-a tihchhuah tum a ni. Kumin Synod Inkhawmpuia hian zan lamah vantlang Pathian Biak Inkhawm a awm lo a ni.

Rorel palai leh a buaiputite Dec. 8, 2020 khan Dawrpui Middle School-ah Rapid Antigen Test hman gin endik an ni a, result a negative vek a ni. Hemi nia test ve hman lo te tan Dec. 9, 2020 chawhma lam khan Medical Duty Office-ah test buatsaih leh a ni. Tin, Inkhawmpui palai te chu Biak In an luh hmain thermal scanner hman gin enfiah leh vek an ni bawk.

Kumin 2020 Synod Inkhawmpuia puipa te chu:

| | | |
|-----------------------|---|---|
| Moderator | : | Rev. Dr. C. Lalhlira |
| Secretaries | : | Rev. Vanlalrova Khiangte (Sr.) Upa Lalrinmuana (Jr.) |
| Finance Officers | : | Rev. B. Sangthanga, Executive Secretary Rev. Lalramliana Pachuau |
| Statistician | : | Rev. J. Lalremsiama, Vaivakawn |
| Executive Secretaries | : | Rev. Lianhmingthanga Sailo Rev. K. Lalrinmawia |

Synod Inkhawmpui hi kum 2010 ațang khan Bial-in an thleng tan a, kumin 2020 hian Dawrpui Bial-in Dawrpui Kohhranah an thleng a ni.

Kumin Synod Inkhawmpui chu tunlai Hripui leng mek avangin kum dang angin hman a remchang lova, chumi anih avang chuan Synod Executive Committee (SEC) meeting November 10 - 12, 2020 a neih chuan ruahmanna thar a siam a. SEC chuan Synod Inkhawmpui hun pawt tawin December 8 - 11, 2020 chhungin Dawrpui Kohhran Biak Ina neih turin a rel a. Synod Palai tur pawh ti tlemin - Synod Puipate, Synod Nomination Committee te, SEC member te, Pastoral Committee member te, Finance Committee member te leh Superintendent, Synod Office te chauh palai niin Mizoram pawn lam palai chu an tel lo a ni.

☐ **Synod Revival**

Synod Revival Committee buatsaihin Dec. 9 - 13, 2020 chhung hian Live TV Crusade chu Mission Veng Kohhran Biak In ațangin neih a ni a, T.Upa R. Lallungmuana, Rev. C. Lalsangliana, Upa Lalhmachhuana, Pu Malsawmthara, Pu K. Lalngaihawma leh Rev. Dr. C. Lalhlira te Speaker-a hman an ni a, inkhawm apiangin One in Christ hnen ațangin fakna hla ngaihthlak thin a ni. He Live TV Crusade hi Hruaina Eng, Zonet Zawlbuk leh LPS-1 ah te Live-a pek chhuah thin a ni.

Dec. 23 - 27, 2020 chhungin Live TV Crusade hi neih leh tura ruahman a ni.

❑ **Presbyterian English School (PES)**

◆ Presbyterian English School (PES) aṅga Kumin HLSC Exam-naa result nei ṭha te lawmman sem a ni. PES 33 aṅgin zirlai 630 in HSLC an Exam a, PES pariat-in zaa za (100%) pass Result an neia, School ti ṭha zual te hi lawmpuina thilpek hetiang hian pek an ni.

1. Mamit PES - Computer Set, Printer leh Rs. 5,000/-
2. Ramthar PES - Computer Set leh Rs. 5,000/-
3. Khawhai North PES - Computer Set leh Rs. 2,000/-, leh

School 5 - Thingsulthliah PES, Zotlang PES, East Lungdar PES, Luangmual PES, N.E Khawdungsei PES te hnenah Rs. 7,000/- ṭheuh pek an ni.

Heng bakah hian PES aṅga zirlai 630 HSLC Exam-te zingah 514 (81.59%) an pass-a, a ti ṭha zual top 3-te hnenah a bika lawmpuina thilpek pek an ni a, chungte chu -

1. F. Lalremsangi, Ramthar PES - Rs. 15,000/- leh thu ziaik
2. Liansangpuui, Thingsulthliah PES - Rs. 14,000/- leh thu ziaik
3. Lalremruata, Mamit PES - Rs. 13,000/- leh thu ziaik.

Tin, heng bakah hian Distinction a pass dang zawng zawng te hnenah sum fai Rs. 10,000/- ṭheuh leh lawmpuina thu ziaik pek an ni bawk.

◆ Presbyterian English School Theme Song inphuahsiakna result tih chhuah a ni a. Ngun taka endik a nih hnuah “**Wisdom Through Faith**” - Samuel Laldinnggheta & Hannah Lalhlanpuui te phuah chu thlan a ni a, anni hnenah hian lawmman pawisa fai Rs 10,000/- leh chawimawina thu ziaik hlan a ni.

He theme song inphuahsiaknaa ti ṭha zual dang mi panga (5) a hnuai mite hnenah hian Consolation Prize Rs. 1,000/- ṭheuh pek an ni.

1. Pu Laldula Sailo, East Lungdar
2. Laltlankima, Venghlun, Chhiahtlang
3. Lalrammuana, Ramthlun Veng Serchhip
4. James M.S Dawngliana, Samthang
5. Liansailova, Mission Vengthlang

❑ **Synod Mission Board leh ram pawn chet velna**

◆ Dec. 8, 2020 (Thawhlejni) thlenga Synod Mission Board hnuai Missionary leh an chhungte zinga Covid-19 kai zat leh Field hrang hrang dinhmun chu hetiang hi a ni:

Mipa 28 leh Hmeicṭhia 40

- Hrikai zat - 68
 Enkawl lai - 1
 Enkawl dam - 66
 Thi - 1

Field hrang hrang dinhmun:

| Field | Hri kai | Enkawl mek | Dam |
|---|----------------|-------------------|------------|
| Arunachal & Assam Mission Field (East) | 6 | 0 | 6 |
| Arunachal & Assam Mission Field (North) | 5 | 0 | 5 |
| Arunachal & Assam Mission Field (West) | 16 | 0 | 16 |
| Assam | 2 | 0 | 2 |
| Barak | 6 | 0 | 6 |
| Delhi | 10 | 0 | 9 |
| Karbi Anglong | 2 | 0 | 2 |
| Kolkata | 1 | 0 | 1 |
| Lucknow | 1 | 0 | 1 |
| Masihi Sangati | 1 | 0 | 1 |
| Nepal | 4 | 0 | 4 |
| Tripura | 14 | 1 | 13 |
| TOTAL | 68 | 1 | 66 |

◆ **Siliguri Mission Field**

Dec. 6, 2020 (Pathianni) khan ringthar 8 Lal Isua zui turin an inpe.

♦ **Jharkhand Mission Field**

Dec. 5, 2020 (Inrinni) khan Amjhari Biak In thar chu Field Secretary-in a hawng. Biak In hmun hi helai hmuna kan Kohhran memberte pek a ni a. Mistiri bâk chu hnatlâng deuh veka thawh a ni nghe nghe. He Biak In hi Upa Hmingthanga, Electric Veng, Aizawl sak a ni. Biak In thar hawn ni hian ringthar 4 Lal Isua zui turin an inpe a, ring lo mi engemaw zât an inkhawm bawk.

Dec. 6, 2020 (Pathianni) khan ringthar 2 Lal Isua zui turin an inpe.

♦ **Arunachal & Assam Mission Field (West)**

Dec. 6, 2020 (Pathianni) khan ringthar 2 Lal Isua zui turin an inpe.

♦ **Tripura Mission Field**

Dec. 4, 2020 (Zirtawpni) khan ringthar 4 Lal Isua zui turin an inpe a, Dec. 5, 2020 (Inrinni) khan Field huam chhung hmun hrang hrangah ringthar 12 Lal Isua zui turin an inpe.

□ **Hruaina Eng FM Radio**

DECEMBER 11, 2020 (FM Zoawi - Aizawl & Lunglei @ 7:30 p.m.):

Solo : C. Lalhmingmawii - Remthu leng rawh se
Zaipawl : Chaltlang Bial Zaipawl - A lo herchhuak leh dawn ta
Thusawi : Rev. C. Lalsangliana - Krismas thuchah
Solo : Lalrindiki - Riangvaite Lalpa
Zaipawl : Bawngkawn Bial Zaipawl - Zawlnei ten an hrilh lawk

□ **Susamachar Prasaran Programme :**

DECEMBER 13, 2020 (Pathianni) 5:00 pm. :

Group/Choir/Solo : Hindi Bible School - Barmaja
Group/Choir/Solo : Vaivakawn Masihi Sangati - Aye he (Krismas)
Sermon : Rev. Darkhuma - Yishu Masih Ka Jaum Ke Vishae
Group/Choir/Solo : Venghnuai Kohhran - Daya Ka Sagar
Group/Choir/Solo : Hindi Bible School - Dhunia main chhaia

MSSU Hriattirna

Kumthar 2021 MSSU Syllabus leh Tleirawl leh Naupang Inkhawm Hruaina bu a chhuak tawh a, MSSU Dept., Synod Office-ah a lam theih e.

Kohhran Pavalai Pawl Hriattirna

Synod Executive Committee (SEC) 287:39 Nov. 10 - 12, 2020 chhunga neih chuan Kohhran Pavalai Pawl (KPP) Bial/Presbytery/ Ram Pum huapa programme neih thin chu a saptawnga "Meet" ti tawh lovin mizo tawngin "Intawkhawm" tih tawh tur a ni a. Hei hi Kohhran Pavalai Pawl ten ngai pawimawh a, zawm nghal ni se a tha ang e.

MISSIONARY TRAINING COLLEGE HRIATTIRNA

Missionary Training College(MTC)-ah Bachelor of Missiology (B. Miss) zir duh tan dil theih a ni leh ta. Dilna Form leh Prospectus hi Rs. 50/- in Office hun chhungin MTC Office atangin lak chhuah theih a ni e.

Dil thei chin : CI-XII pass chin
 Dil theih hun chhung : November 15, 2020 - February 8, 2021
 Entrance Test : February 23, 2021 (9:30 AM @ MTC)
 Interview : February 25, 2021 (10:30 AM @ Synod Committee Room I)

Sd/-, Principal
 Missionary Training College
 Mission Vengthlang
 Ph. No. : 2310157/2301337/9612164982

Students' Helpline : 9856883377